

上

傅青主男科



光緒三十一年重刻

傳
毒
三
男
科

上海
楊
葉山房藏板

葉山房
督造書籍



傅青主徵君為前朝遺老隱居崛嶼山
中自號朱衣道人其孤忠亮節昭著一
時固以名垂不朽此男科二卷內附小
兒科乃徵君手著皆本於古方而出於
新意以之治症捷如影響其板刻於廣
東路遠艱於購買今本坊復加校勘付
諸梓人以廣其傳人之好善誰不如我苟
能家置一編對症用方則利世濟人之功
實非鮮淺焉 掃葉山房主人識



序

天倪子慨夫子輿氏之言曰窮則獨善其身達則兼善天下古今有志之士窮者千萬達者十百其有兼善天下之志而無兼善天下之柄者不知其凡幾矣若夫無兼善天下之柄而行兼善天下之志者莫醫若也醫之中有良醫焉有庸醫焉良醫者紹先聖之心源爲民命之主宰其培養元氣是猶良相之治國也庸醫者究義理而未精向市廛而鬻術其貽害衆生亦猶庸臣之誤國也嗚呼治國者寥寥誤國者滔滔此有心人所以痛心疾首者耳傅青主先生具悲天憫人之懷抱仁民愛

物之念生當喪亂篤志隱淪徒以醫傳於世先生之遇
亦可悲矣然先生兼善天下之志更可見矣女科一書
久已流傳同治間湖北崇文書局刊行雜症二卷因女
科之行別曰男科向聞之而未見也今年春枝江張正
甫明經以舊刊本見示天倪子受而讀之覺條分縷晰
意簡言賅不以脈理之深奧而晦目不以證治之微茫
而侈口病立一案案列一方持此可以救世可以傳世
誠良相之典型治國之模範也因校而刊之願鄉國市
里戶藏一編不使爲庸醫所誤使吾民共登仁壽之域
爲先生廣其傳爲先生行其志是窮者而有達者之權

也不亦深快幸哉

光緒七年歲在重光大荒落陽月江都郭鍾岳序



南京中醫藥大學
1964
南京中醫藥大學圖書館版權所有

三

二
歸
素
山
考

明生員傅先生山傳

嵇曾筠

傅先生名山字青主一字公佗陽曲人祖霖官山東遼海參議父之謨明經授徒號離垢先生山生而穎異讀書十行并下過目輒能成誦年十四督學文太青拔入庠繼文者袁臨侯先生繼咸也一見深器之准食餼檄取讀書三立書院時時以道學相期許山益發憤下帷袁每云山文誠佳恨未晚山林氣耳崇禎丙子繼咸爲直指張孫振誣詆下獄山徒步走千里外伏闕訟寃孫振怒大索山山敝衣藍縷轉徙自匿百折不回繼咸寃得白當是時山義聲聞天下後繼咸官南方數召山山

傳
終不往

國朝定鼎自九江執繼咸北上山乃潛入都密候繼咸起
居繼咸見殺山收其遺藁而歸山性至孝父之謨病篤
朝夕稽顙於神願以身代旬日父愈人謂孝通神明不
異黔婁云執親喪哀毀特甚苦塊米飲不茹蔬果友愛
諸季先人遺產弟蕩費強半終身無怨色弟歿撫遺孤
過於已子失偶時年二十七子眉甫五齡旁無妾勝誓
不復娶於里黨嫻戚竭力調其緩急爲人分別有讓恭
儉下人與人言依於忠孝謀事要於誠實蓋其敦厚彝
倫根本自然非有強也自李白成犯京師明莊烈皇帝

殉國山遂絕意進取棄青衿爲黃冠號石道人韋衣草履時遨遊於平定祁汾間所至有墨痕筆跡工詩賦善古文詞臨池得二王神理該博古今典籍百家諸子靡不淹貫大叩大鳴小叩小鳴復白託繪事寫意曲盡其妙精岐黃術遂於脈理而時通以儒義不拘拘於叔和丹溪之言踵門求醫者戶常滿貴賤一視之家故饒至是漸益窶安貧樂道泊如也屋舍田園多爲細人竊據槩置不問康熙戊午

詔舉博學宏詞廷臣交章薦山山堅以老病辭當事者立迫就道道稱股病不能行肩輿昇入都卧旅邸不赴試滿

漢王公九卿賢士大夫下逮馬醫夏畦市井細民莫不
重山行義就見者羅溢其門子眉送迎常不及山但歎
倚榻上言衰老不可爲禮諸貴人益以此重山弗之怪
也明年三月吏部驗病入告奉

旨傅山文學素著念其年邁特授內閣中書著地方官存問

遂得放歸歸愈澹泊自甘僻居遠邨不入城府然欽其
名者益衆率紆道往見冀得一面爲榮又六年卒遠近
會葬者數千百人山所著有性史十三經字區周易偶
釋周禮音辨條春秋人名韻地名韻兩漢人名韻等書
嵇禮齋曰昔者嘗怪先生值堯舜之世篤志高尚懇辭

徵辟何其果也及讀漢史見周黨王霸之爲人初不辱
於新莽建武復辟連徵不起乃知士各有志先生蓋有
道而隱者也彼誠見夫有明末季上下交征利卒滅亡
於寇盜之手固已心寄夫長林豐草矣甯復以青紫爲
榮耶至若義白知己之寃其賢於世之平居師友相親
慕臨難背負不一引手揀漠然若不相識者亦遠矣古
云民生於三事之如一惟其所在則致死焉先生真無
愧哉

贊曰於惟先生得聖之清訟寃奔訃蒙難不驚辭榮却
聘先民是程功在名教百世景行

鐵城寄傅青主

附錄霜紅龕集

宜春哀繼成

哀山

獨子同憂患于今乃別離乾坤留古道生死見心知
真械還餘草傳燈不以詩悠悠千載業努力慰相思

附札二首

江州求死不得至今只得為其從容者聞黃冠入山

養母甚善甚善此時不可一步口口也有詩一册付

曲沃錫珽屬致門下藏之山中矣可到未

乙酉冬

前詩到未若未到門下不可往取可屬西河曹孝廉

緩頰取之必藏之門下所目今著經觀史觀二書經

觀薄就矣史觀尙未竟不知能終竟此業否晉士惟



門下知我甚深不遠蓋棺斷不敢負門下之知使

日羞稱袁繼咸為友生也

丙寅秋初

徵君傳山傳

附錄池北偶談

濟南王士正

賈

徵君傳山字青主一字公佗太原府人母夢老比邱而
生生復不啼一瞽僧至門云既來何必不啼乃啼六歲
食黃精不樂穀食強之乃復食讀十三經諸子史如宿
通者崇正十年袁臨侯繼咸督學山西為巡按御史張
孫振誣劾被逮山橐餽左右伏闕上書白其冤諭德馬
君常世奇作山右二義士傳謂山與汾陽薛宗周比之裴瑜魏劭
亂後夢



天帝賜黃冠衲衣遂爲道士裝醫術入神有可以醫見則見不然不見也康熙戊午徵聘至

京師以老病辭己未與范陽杜樾俱

授內閣中書舍人歸里山工八分隸及金石篆刻畫入逸品子眉字壽髦亦工畫作古賦數十篇常鬻藥四方兒子共輓車暮抵逆旅輒篝燈課讀經史騷賦選諸書詰且成誦乃行否卽與杖



男科上卷目錄

傷寒

初病

傷風

傷寒

外感

傷食

瘧疾

傷暑

大滿



發汗

寒熱真假辨

乍寒乍熱辨

真熱

真寒

假熱

假寒

真熱假寒

真寒假熱

上熱下寒



循衣撮空

陰虛雙蛾

結胸

扶正散邪湯

火症

瀉火湯總方

火症

火越

燥症

治火丹神方

